

UPA2020 tikitsinnagu uagut politikereit mingutsitsinnginnerunissamut silallu pissusaanik allanngortitsinnginnerusussanik iliuusissatsinnut innersuussisussamik suleqatigiissitamik immikkut ilisimasalinnik inuttalimmik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Innersuussinerit tamarmik immikkut imaqassapput aningaasatigut kingunerusussanik inuiaqatigiinnut aamma innuttaasunut/sullivinnut.
(Inatsisartuni ilaasortaq Steen Lynge, Demokraatit)

Akissuteqaat

(Naalakkersuisut Siulittaasuut)

Aappassaanneerqarnera

Naalakkersuisut sinnerlugit Eqqissisimatitsinermut Avatangiisinullu Ataatsimiititaliaq aalajangiiffigisassatut siunnersuummut isumaliutissiissuteqarneranut qutsavigaara.

Ataatsimiititaliami amerlanerussuteqartut siunnersuut akuerineqassasoq inassutigaat, tamannalu Naalakkersuisunit tusaatissatut tiguneqarpoq.

Naalakkersuisuniit maluginiarneqarpoq siunnersuut aningaasartuuteqarnerunermik, aningaasanut inatsimmi missingersuutinut ilaatinneqanngitsunik kinguneqartussaasoq. Aalajangiiffigisassatut siunnersuut maannatut iluseqarluni akuerineqassappat, aalajangiiffigisassatut siunnersuummut aningaasaliissutissat 2020-mut Aningaasanut Inatsisissap isumaqatiginninniutigineqarneranut ilaatinneqarnissaat Naalakkersuisuniit suliniutigineqassaaq.

Naalakkersuisut aalajangiiffigisassatut siunnersuummut saqqummiunneqartumut allanik oqaaseqaatissaqanngillat.